



UNIVERSITÄTS-
BIBLIOTHEK
PADERBORN

Universitätsbibliothek Paderborn

Capitularia Regvm Francorvm

Additae sunt Marculfi monachi & aliorum formulae veteres, & Notae
doctissimorum virorum

Baluze, Etienne

Parisiis, 1677

LXXVI. Praeceptum Karoli Regis quo confirmat permutationem factam
inter Hermintrudim Reginam conjugem suam & Ainardum Abbatem sancti
Mauri de cortili uno ad villam Dubrum in Vicaria Buxiacensi.

urn:nbn:de:hbz:466:1-22974

tem genitoris nostri renovare & ipsum memoratumque monasterium sibi commissum cum cellulis sibi subiectis, quæ nuncupantur Garellianus, & alia quæ nuncupatur sancti Martini, cum villare infra ipsos terminos qui vocatur Buxolus, & molendinos duos qui sibi esse noscuntur in pago Rendense in villa quæ dicitur Limosus, & alios duos molendinos in villa quæ dicitur Rescemiri super fluvium Atacis, quam propriis manibus memoratus Abba & monachi sibi commissi construxerunt, seu & villam juxta ipsum monasterium quæ vocatur Salas, ubi est Ecclesia constructa in honore sanctæ Mariæ semper virginis, & alios duos villares qui vocantur Isart & Iruia, qui sunt in fines de ipso memorato monasterio, cum terminis & appendiciis suis, quam hæcenus supradictus Dominus & genitor noster Augustus Ludovicus prædicto monasterio per auctoritatem suam præfinivit, concessit, atque delegavit, vel etiam omnibus rebus & omnibus eidem loco appendentibus, sub nostra similiter defensione ac immunitatis tuitione recipere dignaremur, & in pago Ruffionense cellas tres, una quæ vocatur Nicolarias super flumen quæ dicitur Tethus, ubi est Ecclesia constructa in honore sancti Stephani, & alia est in monte furcato, ubi est Ecclesia constructa in honore sancti Martini, & tertia est in monte Albaria in loco qui vocatur Valle Vitaria, ubi est Ecclesia constructa in honore sancti Martini, cum ipso villare qui dicitur ad Casa Sationi, cum terminis vel adjacentiis illorum. Cujus petitionibus clementer annuimus. Cui etiam hoc excellentiæ nostræ præceptum fieri jussimus, per quod præcipimus atque jubemus ut nullus iudex publicus vel quislibet ex judiciaria potestate in Ecclesias aut loca vel agros seu reliquas possessiones prædicti monasterij quas moderno tempore iuste & rationabiliter possidet, vel quæ etiam deinceps in jure ipsius sancti loci voluerit divina pietas augeri, ad causas audiendas, vel freda exigenda, aut mansiones vel paratas faciendas, aut fidejussores tollendos, aut homines ipsius monasterij tam ingenios quam & servos super terram ipsius commanentes iniuste distringendos, nec ullas redhibitiones aut illicitas occasiones requirendas, nostris & futuris temporibus ingredi audeat, vel ea quæ supra memorata sunt penitus exigere præsumat; & quicquid de rebus præfati monasterij fisco sperare poterat, totum nos pro æterna remuneratione præfati monasterio concedimus ut in alimonia pauperum & stipendia monachorum ibidem Deo famulantium perpetuo proficiat in augmentum, vel ipsos molendinos duos qui sunt in fluvio Atace in termino de villa Cerintiano. Præterea neminem Dei nostrorumque fidelium industriam latere volumus quia sepeditus Abba nostræ suggestit præcellentiæ qualiter quidam sacerdos, cui nomen Autarius, basilicam in pago Carcaïonense sitam sub honore scilicet sancti Adriani cum omnibus illi pertinentibus rebus prænominato suo monasterio contulerit seu donaverit atque per cartam traditionis legaliter firmaverit sive per præceptum, per quod eandem basilicam gloriosus quondam Rex Pippinus largitus fuit eidem Autario sacerdoti, sicut supra taxatum est, plenissime memorato loco donando contradidit. quæ quidem

Ecclesia duos habet molendinos, qui attinguntur terminis duarum villarum quæ dicuntur Prexianus & Rufiacus. Nostram itaque frequenter Ana Abba petiit pietatem ut ob nostræ mercedis augmentum supradicto sacerdoti Autario factam donationem plenius confirmare dignaremur per hanc eandem excellentiæ nostræ auctoritatem. Cujus precibus annuentes, constituendo sancimus ut sicut ab eodem Autario sacerdote præmemorata basilica cum appendiciis præmissis monasterio est tradita seu delegata, sic per hanc nostram auctoritatem integerrimè perpetuis temporibus in potestate seu dominatione prænotati monasterij rectorumque ejus consistat & absque alicujus contradictione vel minoratione omni tempore in utilitatibus ipsius sancti loci permaneat. Et quandoquidem divina vocatione supradictus Abba vel successores ejus de hac loco migraverint, quandiu ipsi monachi inter se tales invenire poterint qui ipsam congregationem secundum regulam sancti Benedicti regere valeant, per hanc nostram auctoritatem & consensum licentiam habeant eligendi Abbates; quatinus ipsos monachos qui ibidem Deo famulantur, pro nobis & conjuge atque stabilitate totius regni nostri Domini immensam clementiam jugiter exorare deleat. Et ut hæc auctoritas nostris futurisque temporibus Domino protegente inconcussa valeat manere, manu propria subter firmavimus, & anuli nostri impressione signari jussimus.

LXXVI.

Præceptum Karoli Regis quo confirmat permutationem factam inter Hermintrudis Reginam conjugem suam & Ainardum Abbatem sancti Mauri de cortili uno ad villam Dubrum in Vicaria Buxiacensi.

IN nomine sanctæ & individue Trinitatis. Karolus gratia Dei Rex. Notum sit omnibus sanctæ Dei Ecclesiæ fidelibus & nostris presentibus atque futuris quia dulcissima nobis conjux nostra Hermintrudis Regina ad nostram accedens sublimitatem innotuit qualiter secum quidam venerabilis vir Ainardus Abbas ex cœnobio Fossatis quasdam res commutasset pro ambarum partium oportunitate atque concambisset. Dedit igitur eadem conjux nostra præeunte auctoritate de rebus abbatie sui monasterij Calæ, una cum consensu congregationis ejusdem monasterij, ad partem jamdicti Einardi venerabilis Abbatis & monachorum sui monasterij in pago Parisiaco, in vicaria Buciaxinse, in villa Dubro, cortile unum in jus ecclesiasticum habenda. Et è contrà in compensatione hujus concambij dedit idem Einardus Abbas, una cum consensu fratrum sui monasterij, de rebus sancti Petri ad partem monasterij Calæ & jam dictæ conjugis nostræ Hermintrudis in eodem pago & in ipsa vicaria & prope eandem villam de terra atabili spatium pericarum x x i x. per longum, per latum pericarum v i i. & medium. Unde & duas commutationes inter se æquo tenore conscriptas & legaliter roboratas ad relegendum

An. 877.
Ex charta
latio mona-
sterij Fof-
sat.

nobis ostendentes suppliciter petierunt ut eas per nostræ auctoritatis præceptum plenius in Dei nomine confirmare dignaremur. Quorum inquam petitionibus libenter assensum præbentes hoc altitudinis nostræ scriptum fieri iussimus, per quod præcipimus atque firmamus ut quicquid pars iustæ & rationabiliter alteri contulit parti, sicut in memoratis commutationibus continetur, iure firmissimo teneat atque possideat, & faciat exinde quicquid delegerit. Et ut hæc nostræ confirmationis auctoritas perpetuam obtineat firmitatem, de anulo nostro subter eam iussimus sigillari.

Bartholomæus Notarius ad vicem Hludovici recognovit.

Data xv. Kalend. Ianuarij anno xv. regnante Karolo glorioso Rege, Indictione 1111.

Actum Verno palatio regio in Dei nomine feliciter. Amen.

LXXVII.

Præceptum Karoli Burgundiæ Regis pro Agilmaro Archiepiscopo Viennensi.

An. 856.
Ex chartulario Ecclesie Viennensis.

IN nomine sanctæ & individue Trinitatis. Karolus gratia Dei Rex. Si petitionibus venerabilium virorum rationabilibus annuimus, & eas veluti oportet implere satagimus, non solum eorum fidelitatem sinceriosem efficiamus, verum etiam reliquorum fidelium nostrorum devotionem promptiorem erga nos reddimus. Quapropter notum sit omnibus fidelibus sanctæ Dei Ecclesie & nostris præsentibus & futuris quia Agilmarus venerabilis vocatus Archiepiscopus nostram deprecatus est magistatem ut res sue proprietatis quas tam de paterna quamque materna hereditate in regno Aquitanico atque Burgundiæ regali vel etiam quolibet iustè adeptus est iure, quæ per diversa loca esse noscuntur, vel quid deinceps Christo propitio legaliter acquirere poterit, sub nostra tuitione atque immunitatis defensione recipere. Cujus precibus annuentes, hos nostros regales fieri iussimus apices, per quos præcipimus atque sancimus ut omnes res memorati Agilmari, quas nunc possidet, vel quas deinceps Domino præveniente largitionis iure adipisci poterit, in nostra maneat tuitione atque immunitatis defensione, quatinus isdem hoc fultus munere eas absque cuiusquam insidiantis tergiversatione gubernet & gubernando prout decreverit sollempniter possideat. Statuimus etiam ubicunque libera persona super ejus proprium manere decreverit, ut inibi sub ejus ordinatione quietè degat, nullam iniquam contrarietatem sibi administratoribus inferre formidans. Et ut hæc nostræ roborationis atque tuitionis auctoritas firmior habeatur, manu propria subter eam firmavimus, & anuli nostri impressione adsignati iussimus.

Signum Karoli gloriosissimi Regis.

Data vi. Kal. Decembris regnante gloriosissimo Rege anno 1111. Indictione 1111. in villa Theorinthe in Dei nomine feliciter. Amen.

LXXVIII.

Præceptum Karoli Calvi pro Ecclesia Narbonensi.

IN nomine sanctæ & individue Trinitatis. Karolus gratia Dei Rex. Si sacris locis divino cultui mancipatis aliquid ex juris nostri rebus seu facultatibus conferre studemus, non solum in hoc regiam exercemus dignitatem, sed maximum regni nostri munimen in hoc agente divina gratia esse nullatenus dubitamus. Quapropter noverit omnium fidelium sanctæ Dei Ecclesie nostrorumque tam præsentium quam & futurorum sollicitia quia complacuit clementiæ serenitatis nostræ ut ob Dei amorem nostramque in futuro ab piissimo iudice retributionem quædam res nostræ proprietatis sanctæ matris Ecclesie Narbonensis seu Redensis, quæ fundata esse dinoscitur in honore beatorum martyrum Iusti & Pastoris, cui sedi præsidere cognoscitur divina vocatione Fredoldus venerabilis Archiepiscopus. quæ res sunt sitæ infra Narbonensem pagum, hoc est, prope Narbona civitate villares duos, qui nuncupantur, unus Casoles, & alter Alunicianus, & insula quæ vocatur Mandriacus, & infra insula Lici villarem qui vocatur S. Agatæ, & alium villarem qui dicitur Curcuciacus. Vnde etiam altitudinis nostræ præceptum hoc fieri iussimus, per quod memoratas res, cum omnium rerum summa integritate, cum vineis, silvulis, terris cultis & incultis, Ecclesiis, aquis, aquarumve decursibus, exitibus & regressibus, & omnibus exterminationibus, cum terminis & omnibus integritatibus, totum & ad integrum, veluti præmemoratum est, præscriptæ matris Ecclesie sanctæ Iusti & Pastoris beatorum martyrum partibus de nostro iure in jus ac potestatem ecclesiasticam sollempniter transferimus, perpetualiterque habendas delegamus, sicut reliquas ejusdem sanctæ sedis res ecclesiasticas, videlicet ut præscriptæ Ecclesie memoratus Fredoldus Archiepiscopus eas recipiens, ecclesiastico iure in usibus jam factæ Ecclesie tam ille quam omnes sui successores absque ulla cuiusquam contradictione per labentia tempora ordinent canonicè atque disponant legaliter. Ut autem hæc munificentie auctoritas firma valeat perdurare, manu propria subter eam firmavimus, & anuli nostri impressione sigillari iussimus.

Signum Karoli gloriosissimi Regis.

Gislebertus Notarius ad vicem Hludovici recognovit.

Data xv. Kal. Marcias Indictione 1111. anno xvii. regni Domni nostri Karoli Regis.

Actum Carisiaco palatio in Dei nomine feliciter.

Hudolricus inclitus Matchio hoc ambasciavit.



An. 857.
Ex archivio Archiepiscopi Narbonensis.